

Sefanaia

Anutu täño man piä tärek- täreki unita man

Sefanaia 3:14-18

Oretoret täño kap kubä

14 Oi Isrel ämawebe, Jerusalem täño äperiye, in gera yänpän oretoret terak kap tewut. Bänep täga nadänpän oretoret bumta-inik tänpüt.

15 U imata, Yawetä komi tamiñ yäpmän äbuko eruk apiño nadän tama yänpän intäño iwan kudup däpmänpän yawat kiretak.

Nadäkan? Isrel täño intäjukun äma bureni, Yawe uwä inkät it täyak unita in imaka kubäta wari nämo api umuntäneñ.

16 Tänpäkan kadäni uken Jerusalem ämawebe ñode api yäwetneñ; Imaka kubäta nämo umuntañpän bänepjin nämo pewä putäreneñ.

17^a Nämo! Yawe Anutuñin inkät itkan kehärominitä täñkentän tamiñpän iwan keriken nanik bureni api tämagurek.

Unitä inta gäripi pähap nadän tamiñpän iritjin api täñ-kodaktan tamek. Täñkan inta oretoret tänpän kap api taniñ ubiñ tewek, ämawebetä orekirit kadäniken oretoret täk täkan ude.

18 Tänpäkan Yawetä ñode täwetak; Näkä taniñ kawa tänpän komejinken äneñ api yän-täkñat yäpmän äbet. Ude täñira iwan iñamiken mäyäk nadänkuño u api paorek.

^a **3:17** Sam 24:8-10; Ais 9:6, 12:2; Hib 7:25; Sam 147:11, 149:4; Ais 62:4-5; Luk 15:5-6, 23-24; Jon 13:1